

三河縣新志

傅增湘書



74877

三河縣新志
十六卷

容錦熙題



於民國二十四年八月
北平中華印書局承印

三河新志序

三河舊有志由清乾隆二十五年至今百七十餘年未能續修民四馬維離炳南由南洋歸國購新式墨度分晰經緯製成新圖精細繪刊邦人士手一幅全縣區域河流瞭如指掌是在舊志中勃然見新萌芽怒生笑然不過疆域一部份而已自國體變更剪髮放足選舉投票以

三河縣新志

序

及廢舉貢監議貢廢考試立學校一切行政司法黨務自治與前清舊政迥乎不同曷乎非續脩新志不可是以省府當局嚴令通飭各縣肅款設局延攬人材督令刻期竣事以六邑縣志之一大革命時期也孔子曰文獻不足故也足則吾能徵之矣朱子解之曰文典籍也獻賢也此二者皆脩志時所急需而必需錄一不可者也三河經曾任蘇

任兩縣長虛心延訪招致賢材聘請縣西舉
人梁先生寶銘心彌縣南拔貢周先生鳳岡
鳴縣東廩貢韓先生琛獻亭縣西文生雷先
生發聲乃春同時主管其事期年而觀成
之數子者皆博學懿文歸然負一時之望逃名
匿迹天名一方時或求其足音而不可得今乃惠
然肯來同肩斯任念本縣新舊典藉而釐定

三河縣新志

序

二

之美貌煥乎成一大觀詩曰風雨以晦雞鳴不已既
見君子云胡不喜三河縣志可謂慶得人矣嗚呼
新城先生有言國無史則國亡矣無文則史亦
亡焉夫乘楚之檣杪魯之春秋皆史也而乘與
檣杪不能與春秋並傳者文與不文之故也三河縣
志不能上擬古人而其理則一手實任三河自民
元一月一日蒞任至五年七月交卸中間調順義

三年在三河任都一百二十五閱月心齋先生予曾
手編其詩而序之入聘充理財所長堅辭不就
子端清操猶潔與予為丁酉同年獻亭乃春
數行勵學文章樸茂為兒輩業師炳南各
曾函其門弟子在任時所奉以為國人矜式者
也是故三河新志予雖未及全體寓目然以數
君者囊之董之皆歐陽子所稱蓄道德能文
章之君子吾敢斷然信其有典有則足以信於
今而傳於後無疑也民國二十三年七月一日於平
憲兵司令部秘書長俞德三河縣長唐玉書

謹序

唐玉書

續修三河縣志序

三河縣志設自唐初以地臨洶洶鮑邱三水得名清屬順天府民元以還隸京兆尹號畿東重地至民國十七年國都南遷改隸河北省版圖余以二十二年仲夏來宰是邑當北平軍事之後民衆流離四郊多壘收拾撫循鮮有暇晷迨秩序大定乃思搜求舊志俾周知地方利病以爲敷治之助而縣志自乾隆二十五年縣令陳公景重修之後百餘年來闕焉無聞時勢推移滄桑遞變一邑之風物典章將有文獻無徵之懼適地方士紳有重修縣志之請於是開局延吳孝廉寶銘韓紳琛劉紳丞漢爲正副主任其任纂修調查者悉皆一時碩學之士精研博探摛藻擷華賴諸紳之努力凡十閱月而書成余也學殖膚淺當

三河縣新志序

茲世變日亟中獲繼前賢陳公之後成此二百年來未有之盛典固余之幸亦余之職也顧或者謂處此維新之世而有復古之舉未爲識時究非探本之論夫縣之有志猶國之有史國而無史則文明亦等於狃野縣而無志則開化將淪於蕪穢故政治雖復日新而古今來之文物聲名關乎世運之隆替有足深爲寶惜者矧三河自昔爲畿輔要區密邇首善者乎是役也殆亦抱殘守闕之遺意焉耳是爲序

中華民國二十三年五月三河縣縣長常熟曹楨撰

志者誌也所以昭法戒於來茲史之屬也其體互異而其要不外韓子春秋謹嚴一語史不易言修志豈易言修哉史則考同辨異理取發明志則傳後信今辭尙體要原無事麗藻鋪張炫奇博爲紀乘光已也甲戌夏余奉令調署三河接篆後延禮諸紳士與襄理邑政諸君子詢以斯時斯邑興革損益之宜兢兢焉誠恐隕越遺羞以速官謗幸蒙不棄肫然皆有以匡余不逮且僉謂前縣長曹公尤以續修邑志未訖屬望報最於我公爲至切也余旣承乏茲土責不容辭續貉之誚奚恤因詳閱此次續修之凡例與其所編輯見夫其文簡以該其事覈以括其運用無乖大雅悉信而有徵於韓子春秋謹嚴一語其殆庶幾焉抑余尤有說者修史原屬異代事筆削有權可誅權奸於旣死

三河縣新志序

修志每多現時事尊親有諱只發潛德之幽光亦時勢然也嗚呼三長兼具代有其人子將月旦徒逞褒譏之談呂氏春秋奚取掇拾之簡謹嚴二字誠戛戛乎難哉考之三河舊志自明末始至清乾隆間經邑侯陳公昶重修後失修幾二百年今一旦告厥成書皆前縣長曹公不以兵燹迭經視爲緩圖與編輯諸君之力若余也雖妄參未議於什一未嘗稍易始訂之體例後之閱斯志者勿以告竣書成於余謬推爲與有勞焉則幸甚志成諸邑紳囑序於余不敢以無文辭爰記其顛末而書其梗概若夫三邑爲前清畿東重鎮列爲衝繁難缺民國軍興爲更有甚深有望於諸君指示愚昧而交儆夫余庶免得罪於邦人百姓不止修志例得列名之榮也是爲序

中華民國二十四年

月

日

遼寧蘇士俊序於三河縣政府

三河縣新志

序

二

三河縣新志序

志也者述古昔昭來茲也然非有道之士本於心之所得衷於心之所安不足以信後况中斷百七十餘年豈易言乎孔子之修春秋斷自隱公蓋闕疑耳筆則筆削則削游夏不能贊一辭猶曰知我罪我其惟春秋魯在當時爲諸侯百里之國今之縣而已後世縣俱有志或於春秋乎昉焉三河昔爲左輔離舊都百里而遙爲古者諸侯冠帶相望之地其典章文物流風餘韻綦足志焉况長山橫其北洵洳鮑邱諸水逶迤於其間山水之奧區則天地精英之所韞蓄於是建邦啓土以之興條教典禮因之起人物事功爲之繁嘉言懿行演之長上自政府下徹民廬因革損益時移事改俱足驗夫世道人心是惡可無志是惡

三河縣新志序

一

可無志考三河縣之有志遠在遜清乾隆二十五年事更七朝國且易體時至今日欲上溯夫一百七十餘年之故實網羅而筆之書易言乎哉是志之修倡始於常熟曹潤孚縣長楨任內徵聘薦紳先生主之中經若干月予適自檀州量移而來而剗斲以成志分爲四篇十有六立體謹嚴採集精到曹前任序曰延吳孝廉寶銘韓紳琛劉紳丞漢主其事其纂修以下皆一時碩學之士蓋紀實也予疑夫一百七十餘年之間不知幾經喪亂冊籍散失父老踵亡其不可得而知不可得而聞者殆不知凡幾亦惟本於心之所得衷於心之所安而已是此數君者知必皇皇然曰知我罪我其惟斯志也夫子又喜予之自檀州來也與前志之鄭富民同鄭則前不見古艱難締創而修三河縣

志予則坐享其成從容瀏覽而讀三河縣新志後先輝映爲修
三河縣志者添一段佳話然予愧矣三河之人尙不以予爲陋
囑弁一言予亦喜受其成而得埒名焉亦予之幸也夫

合肥章維燮謹識

中華民國二十四年九月穀旦

三河續修縣志序

修志如修史也必具三長方能操筆削之權才也學也識也缺一不可也無才則筆無雄健之姿無學則文無寬博之勢無識則斷制筆削無能抉摘幽隱平衡允當其能免劉氏知幾之譏者蓋鮮修國史然修郡縣志亦然求其兼具三長在有清一代羣推康氏武功縣志王氏鄆縣志陸清獻靈壽縣志爲最若夫鋪張揚厲高文典冊以爲才累牘連篇鎔經鑄史以爲學陽秋月旦竊比麟經毫釐千里妄翻古人定論以爲識君子曰無足取焉矣寶銘不才寡學識見不超豈足言脩縣志獨此繼成先人續修縣志之心未嘗一日去諸懷寧爲有志竟成不爲有志未逮此邦人君子所共許者也當此兵凶戰危之時得曹縣尊

三河縣新志序

一

來撫斯邑不日而民志大定衆紳協和即檄寶銘從諸君子後續茲邑乘此固寶銘之夙願不敢以衰朽辭者也顧或謂洵陽邑志失修一百七十餘載年湮代遠文獻無徵楚倚晉狐成書絕妙旁搜遠紹也難共和專制大相徑庭時憲舊章殊多枘鑿偏執一是不能折衷鑒古証今也難實事求是無須粉飾而修志非修史比史備勸懲故善惡兼書志在善善從長不敢失實但惟節取而不概其生平必求悉有當於輿論也更難愚曰唯唯否否不然區區私願敢蹈虛車惴惴小心不負初志無論若何艱難謹當淬厲衰朽之精神智力以勉從諸君子之後問禮問官聘鄰可証因殷因夏損益可知一言疑而芻蕘是詢一行善而葑菲可采比事屬辭太寬固不免過於濫太嚴又不免失

之苛修志之事原非鄭子產之鑄刑書心苟無讐又何恤乎人
言也至於商確體裁指示凡例纂修釐訂惟前縣尊曹公今縣
尊蘇公是從此則其大略也若三長兼具足以信今而傳後如
康之武功縣志王之鄂縣志陸清獻公靈壽縣志不至遺後世
譏更有望於當世大儒不棄謫陋而匡正之則幸甚

邑人吳寶銘謹序

續修三河縣志序

夫志誌也縣之有志所爲誌一邑之事而徵其實者也不誌其事則年湮代遠恐多遺忘不徵其實則比事屬辭或流虛僞求全責備創爲志固難補闕拾遺續爲志尤難欲求儒生秉筆足爲文獻之徵太史觀風可備軒轅之採者殊不易得三河本古漁陽地又名臨洵自唐開元間始名三河蓋潞縣之分治也星分箕斗境屬幽燕建置歷漢晉隋唐以來沿革每因時而異河渠滙洶洶鮑邱衆水源流可按籍而尋畫井分疆考古得前朝舊跡靈山聖水覽勝稱左輔名區興學立教化啟文明問俗觀風民多醇樸典禮循古今所尙田賦介中下之間鄉賢名宦湮沒者務悉爲表彰水利兵防興辦者必溯其始末薦辟甲科忠

三河縣新志序

孝節義應叙錄焉以備參稽文苑方技仙釋僑居宜詳載焉以免遺漏瞻鄉閭之碁布可見民族之盛衰辨物產之土宜可知民情之好惡凡此皆當分門別類博採兼搜悉誌簡端以資考證况時至今日國體既變新制迭興尤當依次附加勿使稍有闕略惜乎邑故無志明季邑侯王公清初邑侯任公始創爲志稿而皆未付梓迨乾隆中業邑侯陳公乃重加修正鋟木以廣流傳迄今又百數十年矣歷年既久老成已彫謝殆盡典籍又散佚無存事實多不可考當此時而續爲志則難之又難者已茲奉省府明令飭縣續行修纂志書前任石縣長倡議於前繼任王縣長召集於後現任曹縣長下車伊始他務未遑即委同邑紳商速行舉辦其熱心公益誠可感矣幸得四鄉賢達協力

同心共襄盛舉謹就前志所已誌者仍其舊而備錄之前志所未誌者循其序而增補之編纂既竣爰錄其稿以俟博洽君子糾正焉非敢謂已輯爲成書可傳爲信史也亦誌其事而徵其實云爾歲在甲戌暮春之初邑人四品銜直隸州用江西候補知縣郝喬年譔

三河縣新志序

管孔子欲亡夏殷之禮而歎杞宋之無徵殆以無徵
不信文獻誠史乘之要素也三邑舊志自康熙
年縣令鄭公富氏開始創脩上宗明季邑令王
公自謹清初邑令任公塾所輯志稿手錄成書未
付剞劂今北平國立圖書館繕本處猶存二冊
外人多未之見至乾隆二十五年陳志始出雖經五
易稿而始末簡陋之虞仍所不免如節婦不孝等夫
之在僅言何三趙五張六李二之妻其位地更無論矣

三河縣新志 序

連山轉脚二碑古蹟攸關二僅書地趾玉碑碣何
年所建碑文何人所書均未詳載語云如事也簡
略斯之謂歟然古今又一百七十餘年其間遠
經政變近遭兵燹某者遺佚故老論亡文獻無
徵莫此為甚至玉皇廟碑額頭已杳龜趺尚存
同諸土著則云聞遭雷火不知年月奎樓先在
城中後築城上間為少年所移云云知者今在
三月偶遊田氏荒園主人年七十八問奎樓移築

何時伊脫口而出曰同治六年余時年甫十齡余
聞之不勝狂喜西門塔頂是年六經宋公彭壽
補脩似此到處探詢以求實在者不一而足何使
縣志早脩數十年何至無從若是又嘗謂脩志
要素又獻之外程有三種曰時局當國家多事
之煉中外相安萬民樂業僻壤一隅隨時調查
暢行無阻今三邑地屬我區客夏錯河開破聲
震全城軍可休德飽受驚恐直至七八月間地

三河縣新志

序

二

方為謚曹公到任即奉省令續脩縣志、局雖
經成立然無異每行大海飄搖於天風波浪之
中稍為警告必至停輟平託如天之福平靖
一年而志乃告結束誠意外幸事也此時局有
闕修志者一二曰人才史遷云文雖雅馴易黎云擇
精語詳若此才具三長焉能信今傳後三邑
人才缺乏多可諱言立局伊始原定編輯八人
至十人繼而聘任狀養就職者少不能離家者

不就需次在外者不就耄老不耐辛勞者亦不就
是以常川駐局逐日工作者三四人而已以少數之人
在一年期間續修二百年來之事蹟為勞為逸
不問可知嘗撰俚白云為編縣志苦勞形瘁暑
炎天筆不停好是在涼人靜後日心三五話
中述他處語也此人才有闕修志者二三曰
款項浩云多求難以為炊充飢能闕為餅
蓋萬事非財不舉意也三志局自開辦

三河縣新志

序

三

以來毫毫的款純賴各方勸募挹彼注茲夫
籌近於乞成數難憑亦因縣中財政拮据不
得不採此下策好在該報措節未至債台高
築至印刷墊款再紀籌劃可耳此款項有闕
修志者三本邑修志時局不靖人才式微款項乏
絀三者或其一不缺認為不難惟至伯之今值
編訂就緒志局結束因備述經過始末列諸
簡端以為嗣後修志富易經驗者告至於